

西南聯合大學國文選



國文選目錄

上

論語選讀（十章）

附謝良佐論語解序

左傳卷之戰

戰國策魯仲連義不帝秦

史記司馬穰苴傳

漢書李陵蘇武傳

三國志諸葛亮傳

世說新語（三篇）

慧立彥琮慈恩法師傳自具安塞伊君

劉知幾史通自叙

柳宗元封建論

通鑑鉅鹿之戰

附史記項羽本紀一節

沈括夢溪筆談（錢）

李清照金石錄後序

袁宏道西山十記

顧炎武日知錄廉耻

焦循文說三篇

曾國藩理齊畫像記

國文選目錄



283627

國 文 選 目 錄

王光謙史可法傳

章炳麟國故論衡原學

王國維人間詞話（選錄）

中

胡適建設的文學革命論（節錄）

魯迅示衆

周作人春蠶的小詩

徐志摩我所知道的康橋（節錄）

郁達夫薄奠（節錄）

謝冰心往事（節錄）

陳西滢開話

創作的動機與態度

管閑事

丁西林一隻馬蜂

茅盾「連環圖畫小說」

巴金父與女

林徽音窗外

朱光潛文藝與道德（節錄）

朱光潛自然美與自然醜（節錄）

魯迅我怎麼作起小說來

沈從文我的創作與水的關係

蔣中正暑假期間對於救國最有效的工作是什麼？



下

詩小雅六月

楚辭九歌國殤

古詩八首

王粲七哀詩一首

陶淵明詠荊軻一首

飲酒五首

王昌齡從軍行四首

出塞一首

岑參輪臺歌奉送封大夫出師西征一首

走馬川行奉送出師西征一首

杜市悲陳陶一首

悲青坂一首

述懷一首

羌村三首

茅屋爲秋風所破歌一首

開官軍收河南河北一首

登樓一首

登岳陽樓一首

白居易新樂府

縛戎人

官牛

國文選目錄



國文選目錄

陸游夜泊水村

書憤

縱筆第二首

縱筆第三首

書憤

夜登千峯樹

北望感懷

示兒

附錄

教育部公布新式標點符號案



國文選上

論語選讀 十章



子曰，「吾十有五而志於學，三十而立，四十而不惑，五十而知天命，六十而耳順，七十而從心所欲不
踰矩。」（爲政）

增本證

吾十有五而志於學。

顏淵季路侍，子曰，「盍各言爾志。」

子路曰，「願車馬衣輕裘與朋友共，敝之而無憾。」

顏淵曰，「願無伐善，無施勞。」

子路曰，「願聞子之志。」

子曰，「老者安之，朋友信之，少者懷之。」（公治長）

子曰，「志於道，據於德，依於仁，游於藝。」（述而）

子夏曰，「百工居肆以成其事，君子學以致其道。」（子張）

子曰，「士志於道，而耻惡衣惡食者，未足與議也。」（里仁）

子夏曰，「博學而篤志，切問而近思，仁在其中矣。」（子張）

子曰，「苟志於仁矣，無惡也。」（里仁）

子曰，「志士仁人，無求生以害仁，有殺身以成仁。」（衛靈公）

子曰，「三軍可奪帥也，匹夫不可奪志也。」（子罕）

孔子曰，「生而知之者上也，學而知之者次也，困而學之又其次也，困而不學，民斯為下矣。」（季氏）

子曰，「飽食終日，無所用心，難矣哉。不有博奕者乎，為之猶賢乎已。」（陽貨）

子曰，「我非生而知之者，好古敏以求之者也。」（述而）

子曰，「述而不作，信而好古，竊比於我老彭。」（述而）

衛公孫朝問於子貢曰，「仲尼焉學。」

子貢曰，「文武之道未墜於地，在大賢者識其大者，不賢者識其小者，莫不有文武之道焉。夫子焉不學，而亦何常師之有。」（子張）

焉不學，而亦何常師之有。」（子張）

子曰，「三人行，必有我師焉。擇其善者而從之，其不善者而改之。」（述而）

子曰，「蓋有不知而作之者，我無是也，多聞擇其善者而從之，多見而識之，知之次也。」（述而）

子貢問曰，「孔文子何以謂之文也。」

子曰，「敏而好學，不恥下問，是以謂之文也。」（公冶長）

曾子曰，「以能問於不能，以多問於寡，有若無，實若虛，犯而不校，昔者吾友嘗從事於斯矣。」（泰伯）

子曰，「山，海女知之乎。知之為知之，不知為不知，是知也。」（為政）

子路使子羔為費宰。子曰，「賊夫人之子。」

子路曰，「有民人焉，有社稷焉，何必讀書，然後為學。」

子曰，「是故惡夫佞者。」（先進）

子曰，「由也，女聞六言六蔽矣乎。」

對曰，「未也。」

「居，吾語女。好仁不好學，其蔽也愚。好知不好學，其蔽也蕩。好信不好學，其蔽也賊。好直不好學，其蔽也絞。好勇不好學，其蔽也狂。好剛不好學，其蔽也狂。」（陽貨）

子曰，「十室之邑，必有忠信如丘者焉，不如丘之好學也。」（公治長）

子曰，「君子食無求飽，居無求安，敏於事而慎於言，就有道而正焉，可謂好學也已。」（學而）

子曰，「吾嘗終日不食，終夜不寢，以思，無益，不如學也。」（衛靈公）

子曰，「學而不思則罔，思而不學則殆。」（爲政）

子曰，「弟子入則孝，出則弟，謹而信，汎愛衆而親仁，行有餘力，則以學文。」（學而）

子夏曰，「賢賢易色，事父母能竭其力，事君能致其身，與朋友交，言而有信，雖曰未學，吾必謂

之學矣。」（學而）

子曰，「學而時習之，不亦說乎。」（學而）

子曰，「溫故而知新，可以爲師矣。」（爲政）

子曰，「譬如爲山，未成一簣，止，吾止也；譬如平地，雖覆一簣，進，吾往也。」（子罕）

子曰，「學如不及，猶恐失之。」（泰伯）

子曰，「篤信好學，守死善道。危邦不入，亂邦不居。天下有道則見，無道則隱。邦有道，貧且賤

焉，恥也；邦無道，富且貴焉，恥也。」（泰伯）

子曰，「富而可求也，雖執鞭之士，吾亦爲之；如不可求，從吾所好。」（述而）

子曰，「飯疏食，飲水，曲肱而枕之，樂亦在其中矣，不義而富且貴，於我如浮雲。」（述而）
葉公問孔子於子路，子路不對。

子曰，「女奚不曰，其爲人也，發憤忘食，樂以忘憂，不知老之將至云爾。」（述而）

子曰，「默而識之，學而不厭，誨人不倦，何有於我哉。」（述而）

子曰，「若聖與仁，則吾豈敢，抑爲之不厭，誨人不倦，則可謂云爾已矣。」公西華曰，「正唯弟子不能學也。」（述而）

哀公問弟子孰爲好學，孔子對曰，「有顏回者好學，不遷怒，不貳過，不幸短命死矣。今也則亡，未聞好學者也。」（雍也）

顏淵喟然歎曰，「仰之彌高，鑽之彌堅，瞻之在前，忽焉在後。夫子循循然善誘人，博我以文，約我以禮。欲罷不能，既竭吾才，如有所立卓爾，雖欲從之，末由也已。」（子罕）

子曰，「語之而不惰者，其回也與。」（子罕）

子謂顏淵曰，「惜乎，吾見其進也，未見其止也。」（子罕）

子曰，「吾與回言終日不違如愚，退而省其私，亦足以發，回也不愚。」（爲政）

子夏曰，「日知其所亡，月無忘其所能，可謂好學也已矣。」（子張）

子曰，「賢哉回也，一簞食，一瓢飲，在陋巷，人不堪其憂，回不改其樂，賢哉回也。」（雍也）
冉求曰，「非不說子之道，力不足也。」

子曰，「力不足者，中道而廢，今女畫。」（雍也）

子曰，「德之不修，學之不講，聞義不能徙，不善不能改，是吾憂也。」（述而）

子曰，「君子不重則不威，學則不固，主忠信，無友不如己者，過則勿憚改。」（學而）
達巷黨人曰，「大哉孔子，博學而無所成名。」

子聞之，謂門弟子曰，「吾何執。執御乎。執射乎。吾執御矣。」（子罕）

大宰問於子貢曰，「夫子聖者與。何其多能也。」

子貢曰，「固天縱之將聖，又多能也。」

子聞之曰，「大宰知我乎，吾少也賤，故多能鄙事，君子多乎哉，不多也。」（子罕）

子曰，「賜也，女以予爲多學而識之者與。」

對曰，「然，非與。」

曰，「非也，予一以貫之。」（衛靈公）

子曰，「參乎，吾道一以貫之。」

曾子曰，「唯。」

子曰，門人問曰，「何謂也。」

曾子曰，「夫子之道，忠恕而已矣。」（里仁）

子貢問曰，「有一言而可以終身行之者乎。」

子曰，「其恕乎。己所不欲，勿施於人。」（衛靈公）

曾子曰，「士不可以不弘毅，任重而道遠。仁以爲己任，不亦重乎。死而後已，不亦遠乎。」（泰伯）

子曰，「誰能出不由戶，何莫由斯道也。」（雍也）

子曰，「朝聞道，夕死可矣。」（里仁）



三十而立。

子曰，「不患無位，患所以立。不患莫己知，求爲可知也。」（里仁）

子貢曰，「如有博施於民而能濟衆，何如。可謂仁乎。」

子曰，「何事於仁，必也聖乎。堯舜其猶病諸。夫仁者，己欲立而立人，己欲達而達人。能近取譬，可謂仁之方也已。」（雍也）

子曰，「興於詩，立於禮，成於樂。」（泰伯）

陳亢問於伯魚曰，「子亦有異聞乎。」

對曰，「未也。嘗獨立，鯉趨而過庭。曰，『學詩乎。』對曰，『未也。』『不學詩，無以言。』

鯉退而學詩。他日，又獨立，鯉趨而過庭。曰，『學禮乎。』對曰，『未也。』『不學禮，無以立。』

鯉退而學禮。聞斯二者。」

陳亢退而喜曰，「聞一得三，聞詩，聞禮，又聞君子之遠其子也。」（季氏）

子曰，「不知命，無以爲君子也。不知禮，無以立也。不知言，無以知人也。」（堯曰）

子曰，「恭而無禮則勞，慎而無禮則蕙，勇而無禮則亂，直而無禮則絞。」（泰伯）

顏淵問仁。

子曰，「克己復禮爲仁，一日克己復禮，天下歸仁焉。爲仁由己，而由仁乎哉。」

顏淵曰，「請問其目。」

子曰，「非禮勿視，非禮勿聽，非禮勿言，非禮勿動。」

顏淵曰，「回雖不敏，請事斯語矣。」（顏淵）

子曰，「禮云禮云，玉帛云乎哉。樂云樂云，鐘鼓云乎哉。」（陽貨）

子曰，「人而不仁，如禮何。人而不仁，如樂何。」（八佾）

四十而不惑。

子張問崇德，辨惑。

子曰，「主忠信，徙義，崇德也。愛之欲其生，惡之欲其死，既欲其生，又欲其死，是惑也。」（顏淵）
樊遲從游於舞雩之下，曰，「敢問崇德，修慝，辨惑。」

子曰，「善哉問。先事後得，非崇德與。攻其惡，無攻人之惡，非修慝與。一朝之忿，忘其身，以及其親，非惑與。」（顏淵）

子曰，「後生可畏，焉知來者之不如今也。四十五十而無聞焉，斯亦不足畏也已。」（子罕）

子曰，「君子疾沒世而名不稱焉。」（衛靈公）

子曰，「年四十而見惡焉，其終也已。」（陽貨）

五十而知天命。

子曰，「不知命，無以爲君子也。不知禮，無以立也。不知言，無以知人也。」（堯曰）

孔子曰，「君子有三畏，畏天命，畏大人，畏聖人之言。小人不知天命而不畏也，狎大人，侮聖人之言。」（季氏）

子曰，「莫我知也夫。」

子貢曰，「何爲其莫知子也。」

子曰，「不怨天，不尤人，下學而上達，知我者其天乎。」（憲問）

子曰，「天生德於予，桓魋其如予何。」（述而）

公伯寮愬子路於季孫。子服景伯以告，曰，「夫子固有惑志於公伯寮，吾力猶能肆諸市朝。」

子曰，「道之將行也與。命也。道之將廢也與。命也。公伯寮其如命何。」（憲問）

子罕言利，與命，與仁。（子罕）

子貢曰，「夫子之文章，可得而聞也；夫子之言性與天道，不可得而聞也。」（公冶長）

子曰，「二三子以我爲隱乎。吾無隱乎爾，吾無行而不與二三子者，是丘也。」（述而）

子曰，「予欲無言。」

子貢曰，「子如不言，則小子何述焉。」

子曰，「天何言哉。四時行焉，百物生焉，天何言哉。」（陽貨）

子絕四，毋意，毋必，毋固，毋我。（子罕）

子曰，「吾有知乎哉。無知也。有鄙夫問於我，空空如也，我叩其兩端而竭焉。」（子罕）

子在川上，曰，「逝者如斯夫，不舍晝夜。」（子罕）

六十而耳順，七十而從心所欲不踰矩。

二

儀封人請見，曰，「君子之至於斯也，吾未嘗不得見也。」

從者見之。

出，曰，「二三子何患於喪乎。天下之無道也久矣，天將以夫子爲木鐸。」（八佾）

三

子擊磬於衛。

有荷蕢而過孔氏之門者，曰：「有心哉，擊磬乎。」既而曰：「鄙哉，硜硜乎，真已知也。斯已而己矣，深則厲，淺則揭。」

子曰：「果哉，末之難矣。」（憲問）

四

微生畝謂孔子曰：「丘何爲是栖栖者與。無乃爲佞乎。」

孔子曰：「非敢爲佞也，疾固也。」（憲問）

五

楚狂接輿歌而過孔子，曰：

「鳳兮，鳳兮，何德之衰。」

往者不可諫，來者猶可追。

已而，已而，今之從政者殆而。」

孔子下，欲與之言，趨而辟之，不得與之言。（微子）

六

長沮桀溺耦而耕，孔子過之，使子路問津焉。

長沮曰：「夫執與者爲誰。」

子路曰：「爲孔丘。」

曰：「是魯孔丘與。」

曰，「是也。」

曰，「是知津矣。」

問於桀溺。

桀溺曰，「子爲誰。」

曰，「爲仲由。」

曰，「是魯孔丘之徒與。」

對曰，「然。」

曰，「滔滔者，天下皆是也，而誰以易之。且而與其從辟人之士也，豈若從辟世之士哉。」稼而不輟。

子路行以告。

夫子慨然曰，「鳥獸不可與同群，吾非斯人之徒與而誰與，天下有道，丘不與易也。」（微子）

七

子路從而後。遇丈人，以杖荷篠。

子路問曰，「子見夫子乎。」

丈人曰，「四體不勤，五穀不分，孰爲夫子。」植其杖而芸。

子路拱而立。止子路宿，殺鷄爲黍而食之，見其二子焉。

明日，子路行以告，子曰，「隱者也。」使子路反見之，至，則行矣。

子路曰，「不仕無義。長幼之節不可廢也，君臣之義，如之何其廢之。欲潔其身而亂大倫。君子之

仕也，行其義也，道之不行，已知之矣。」（微子）

八

子路宿於石門。

晨門曰，「奚自。」

子路曰，「自孔氏。」

曰，「是知其不可而爲之者與。」（志問）

九

逸民伯夷，叔齊，虞仲，夷逸，朱張，柳下惠，少連。

子曰，「不降其志，不辱其身，伯夷叔齊與。謂柳下惠少連，降志辱身矣，言中倫，行中慮，其斯而已矣。謂處仲夷逸，隱居放言，身中清，廢中權。我則異於是，無可無不可。」（微子）

十

子路，曾皙，冉有，公西華侍坐。

子曰，「以吾一日長乎爾，毋吾以也。居則曰不吾知也，如或知爾，則何以哉。」

子路率爾而對曰，「千乘之國，攝乎大國之間，加之以師旅，因之以饑饉，由也爲之，比及三年，可使有勇，且知方也。」夫子哂之。

「求，爾何如。」

對曰，「方六七十，如五六十，求也爲之，比及三年，可使足民。如其禮樂，以俟君子。」

「赤，爾何如。」

對曰，「非曰能之，願學焉。宗廟之事，如會同，端章甫，願爲小相焉。」

「點，爾何如。」

鼓瑟希，隳爾。含瑟而作，對曰：「異乎三子者撰之。」

子曰：「何傷乎。亦各言其志也。」

曰：「莫春者，春服既成，冠者五六人，童子六七人，浴乎沂，風乎舞雩，詠而歸。」

夫子喟然歎曰：「吾與點也。」

三子者出，曾皙後。

曾皙曰：「夫三子者之言何如。」

子曰：「亦各言其志也已矣。」

曰：「夫子何哂由也。」

曰：「爲國以禮，其言不讓，是故哂之。唯求則非邦也與。安見方六七十，如五六十，而非邦也者。唯赤則非邦也與。宗廟會同，非諸侯而何。亦也爲之小，孰能爲之大。」（先進）

附謝良佐論語解序

天下同知尊孔氏，同知「賢於堯舜」，同知論語書弟子記當年言行不誣也。然自秦漢以來，開門授徒者，不過分章析句爾。魏晉而降，談者益稀。既不知讀其書，謂足以識聖人心，萬無是理。既不足以知聖人心，謂「言能中倫」，「行能中慮」，亦萬無是理。言行不類，謂爲天下國家有道，亦萬無是理。君子於此書闕乎。蓋溺心於淺近無用之地，聰明日就彫喪，雖欲讀之，顧不得其門而入也。

聖人辭近而指遠。辭有盡，指無窮。有盡者可以索之於訓詁，無窮者要當會之以神。譬諸觀人，佗